

# Lokalt samhandlingsutval for Ålesund sjukehusområde

## Møtereferat

**Møte:** Møte nr. 1-2016 i Lokalt samhandlingsutval for Ålesund sjukehusområde

**Dato:** 2. mai 2016

**Stad:** Ålesund Kunnskapspark (møterom Ørnetua i 3. etasje)

**Møtetid:** kl. 10.00-14.00

### Til stades:

*Frå Lokalt samhandlingsutval for Ålesund sjukehusområde:*

Giske kommune ved teamleiar tildelingskontoret Lene Sørensen  
Haram kommune ved einingsleiar indre omsorgseining Bjørg Brynhildsvoll  
Norddal kommune ved einingsleiar/kommuneoverlege Martin Unger  
Sandøy kommune ved einingsleiar helse- og omsorgstenester Ann Kristin Røyset  
Stordal kommune ved omsorgsleiar Else Midtbust  
Stranda kommune ved einingsleiar for rehabilitering og habilitering Lill Gullbekkhei  
Sula kommune ved einingsleiar Oddrun Marie Måseide  
Sykkylven kommune ved kommunalsjef Eldrid Suorza  
Ørskog kommune ved einingsleiar for helseavdelinga Linda Hoff Johansen  
HMR – Ålesund sjukehus ved praksiskonsulent Stian Endresen  
HMR – Ålesund sjukehus ved avdelingssjef for alderspsykiatri og habilitering Nils Arne Skagøy  
HMR – Ålesund sjukehus ved avdelingssjef for ortopedisk avdeling Lars Kjetil Aas  
HMR – Ålesund sjukehus ved avdelingssjef for medisinsk avdeling Gro Åsnes  
Brukarutvalet ved Inger Nossen Sandvik

### Forfall:

Skodje kommune ved einingsleiar helse og omsorg Per Løkkeborg  
Ålesund kommune ved virksomhetsleder for tildelingskontor helse og omsorg Birte Vegsund

### Andre:

HMR HF ved Britt Valderhaug Tyrholm, samhandlingssjef i Helse Møre og Romsdal

### Møteleiar:

Sunnmøre Regionråd ved rådgivar Vegard Austnes på sak 1 og 2  
Leiar i Lokalt samhandlingsutval for Ålesund sjukehusområde Bjørg Brynhildsvoll frå sak 3

**Referent:** Sunnmøre Regionråd ved rådgivar Vegard Austnes

## Lokalt samhandlingsutval for Ålesund sjukehusområde

**Sak 1/2016: Velkommen til møtet. Presentasjonsrunde. Godkjenning av innkallinga. Saker til eventuelt.** Ved Vegard Austnes, rådgivar i Sunnmøre Regionråd

Vegard Austnes ønska velkomen til møtet. Alle presenterte seg. Innkallinga vart godkjent. Det var ingen saker til eventuelt.

**Sak 2/2016: Val av leiar og nestleiar i Lokalt samhandlingsutval for Ålesund sjukehusområde**  
Ved Vegard Austnes, rådgivar i Sunnmøre Regionråd

Jf. Delavtale 12 i Samhandlingsavtalen skal leiar- og nestleiarfunksjonen i Overordna samhandlingsutval alternere anna kvart år mellom Helse Møre og Romsdal HF (HMR) og kommunerepresentantane. For dei lokale utvala er det ikkje nemnt noko i Delavtale 12 om leiar- og nestleiarfunksjonen.

Representantane frå respektive HMR og kommunane tok ei kort pause i møtet for å velje kvar sin kandidat til leiar- og nestleiarfunksjonen. Det var avtalt at første året skal kommunane ha leiarfunksjonen medan HMR har nestleiarfunksjonen. Andre året byter dei.

Vedtak: Bjørg Brynhildsvoll vert valt til leiar av det lokale samhandlingsutvalet i 2016, medan Nils Arne Skagøy vert valt til nestleiar i 2016. I 2017 byter dei.

**Sak 3/2016: Orientering om føringane frå Overordna samhandlingsutval i høve til arbeidet i dei lokale utvala.** Ved Britt Valderhaug Tyrholm, samhandlingssjef i Helse Møre og Romsdal

Tyrholm viste til at fokus for dei lokale samhandlingsutvala er fagleg samarbeid og implementering.

Oppgåvene som dei lokale samhandlingsutvala skal ivareta går tydeleg fram av Delavtale 12 i Samhandlingsavtalen. Samhandlingsstrategien er eit sentralt verktøy for å operasjonalisere samhandlingsavtalen mellom partane. Dei lokale samhandlingsutvala har også ei sentral rolle i høve til å iverksetje godkjent kompetanseplan.

Det er i ferd med å bli utarbeidd konkrete handlingsplanar utforma av partssamansette arbeidsgrupper innanfor fleire av tiltaksområda. Mellom anna har ei arbeidsgruppe sett på pasientforløp for den eldre multisjuka pasient (sjå sak 5/2016). Andre områder der eit arbeid er på gang er handlingsplan rus og psykisk helse, kronikarforløp somatikk, palliativ plan og klinisk samhandlingsutval for barn og unge.

Tyrholm sin presentasjon følger vedlagt.

## Lokalt samhandlingsutval for Ålesund sjukehusområde

Etter Tyrholm sin presentasjon var det lagt opp til drøfting i utvalet om det vidare arbeidet. Det vart nemnt at Sjustjerna-samarbeidet i Volda sjukehusområde kunne vere idealmodell.

I Sjustjerna har helseleiarane i kommunane felles møter kvar sjette veke. Dei har vore flinke til å utvikle sjukeheimane og byggje opp KAD-plassar. Vidare har dei mellom anna felles geriatriprosjekt, felles fagdagar (innan BUP, geriatri, psykiatri), hospitering (for nyttilsette), felles legemøter og kultur for likeverd, framsnaking og felles ansvarskjensle for pasienten («vår pasient»). Dei aller fleste fastlegane på søre Sunnmøre deltek i samarbeidet.

Det vart sagt at Ålesund kommune må vere lokomotivet for å få til eit liknande samarbeid som Sjustjerna på Nordre Sunnmøre. Faste pleie- og omsorgsmøter bør på plass. Det vart nemnt at det nye ø-hjelp døgntilbodet på Åse kan vere utgangspunkt for eit tettare samarbeid innan helse og omsorg mellom kommunane på nordre Sunnmøre. Eit forslag var å skipe til «eit godt, gamaldags samhandlingsmøte».

Samhandlingskompetanse vart sagt å ikkje handle om vidløftige visjonar, men om det konkrete tiltaksarbeidet. Avdelingar ved Ålesund sjukehus opplever at pasientar vert liggjande der fleire veker etter at dei er utskrivingsklare. Vidare at legevaktene henviser feil ved at pasientar med kroniske lidingar kjem til skadepoliklinikk. På sjukehuset opplever ein det vanskeleg å sende pasientar tilbake til kommunane når det ikkje er mottaksapparat der. Det vart diskutert om KAD-plassar i kommunane kan nyttast etter avtale med ansvarleg legevakt.

Det lokale samhandlingsutvalet konkluderte med at ein vil utvikle ein sterk arena for samhandling etter modell frå Sjustjerna i Ålesund sjukehusområde.

### **Sak 4/2016: Møteplan 2016**

Ved leiaren i Lokalt samhandlingsutval for Ålesund sjukehusområde Bjørg Brynhildsvoll

Jf. Delavtale 12 til Samhandlingsavtalen skal det minimum vere 2 møter per år.

Neste møte vart avtalt til 5. oktober (kl. 10.00 – 14.00).

### **Sak 5/2016: Pasientforløp for den eldre multisjuka pasient**

Ved Britt Valderhaug Tyrholm, samhandlingssjef i Helse Møre og Romsdal

Pasientforløp for den eldre multisjuka pasient handlar om strukturert oppfølging, om å tenkje meir likt og lage trygge behandlingsspakkar.

Det nye pasientforløpet skal medføre ei endring i verdiar frå «Kva er i vegen med deg?» til «Kva er viktig for deg».

## Lokalt samhandlingsutval for Ålesund sjukehusområde

Mandatet til prosjektet har vore å designe det nye forløpet, peike på områder som krev særskilt tilpassing for å kunne fungere i alle kommunane i fylket, identifisere områder med særleg potensiale for utvikling, innovasjon og forskning og lage ein plan for implementering av det nye pasientforløpet.

Prosjektet har sett opp effektmål og resultatmål for pasientforløpa:

Effektmål: Den multisyke eldre pasienten skal få kvalitativt gode og likeverdige tenester i Møre og Romsdal med fokus på pasienten sine helsebehov. Pasienten skal få eit betre liv gjennom meistring og tryggleik i helsetenestene i tråd med nasjonale retningslinjer og føringar, og med basis i samhandlingsavtalane mellom kommunane og Helse Møre og Romsdal.

Resultatmål:

- 1) Utvikle eit pasientforløp for den eldre multisyke pasient som skal vere rettesnor for alle kommunar og sjukehus i Møre og Romsdal der identifiserte vanskelege overgangar er sikra med tiltak.
- 2) Reinnlegging skal reduserast for den eldre multisyke pasienten.
- 3) I pasientforløpet skal pasientane i Møre og Romsdal ha samstemte medikamentlister, vere vurderte for fallrisiko, vurderte for kognitiv funksjon og sikra god ernæring.
- 4) Mobilisering/rehabilitering skal vere ein integrert del av pasientforløpet.
- 5) Det skal identifiserast område med særleg potensiale for utvikling, innovasjon og forskning.
- 6) Det skal utarbeidast ein plan for å implementere pasientforløpet.

Prosjektet har utvikla tre sjekklister. Desse skal i første omgang prøvast ut i fire sjukehusavdelingar og i kommunane Herøy, Giske, Molde og Kristiansund.

Pasientforløp for den eldre multisyke pasient skal handsamast i Overordna samhandlingsutval 24. mai 2016. Oppstart er planlagt til 1. januar 2017.

Tyrholm sin presentasjon følgjer vedlagt.

### **Sak 6/2016: Eventuelt**

Det var ingen saker til eventuelt.